



Universitätsbibliothek Paderborn

**Tractatio Synoptica De Ivdiciis Ad Lib: II. Decretal:
Gregorii IX.**

**Herberstein, Ferdinand von
Tabarelli de Fatis, Donato Vincenzo**

Spirens., 1660

3. Quid si plures hypothecarij à se invicem discriminandi? quid de hypothecarijs tantùm, & privilegiatis? quid de chirographarijs in quibus non temporis sed privilegij ratio habetur? quid de non ...

urn:nbn:de:hbz:466:1-11416

est, tamen omnibus creditorib' etiam hypothecariis antecessor. L. et si quis. 14. §. 1.
 L. sunt personæ 43. ff. de regul: & sumpt. fun.
 Neq; distinguimus inter expressam & tacitam hypothecam habentes: utrisq; præfertur funerans, ut rectè sentit Bald: tract:
de pig: cap. 6. Excipiendi etiam sunt sumptus, qui necessariò fiunt ad proscriptiōnem bonorum: item debitore defuncto ad insinuationem testamenti, confessiōnemque inventarii, similesvè hæreditati causas. L. ult. §. in computat. C. de jur. delib:

3. Reliquis ergo chirographariis summotis, si plures sint hypothecarii à se invicem discriminandi sunt ita: Alii tantum hypothecam, alii hypothecam & privilegium habent. Privilegium verò causa æstimatur. Quare nec hypotheca nec temporis prærogativa propriè privilegium est. L. privilegia 32. ff. de reb. auct. jud: poss: Qui hypothecam & privilegium habent præferuntur iis, qui hypothecam tantùm. Ex dictis autem primum locum tribuimus fisco agenti ex causa primipilari. L. 30. & ultim: Cod. de primipilar. secundum locum obtinet, qui ad militiam emendam

credidit, cavitq; nominatim, ut ipse in ea militia aliis potior sit. *nov: 97. cap. 4.* tertium mulier in dote: præfertur enim post eum, qui ad militiam emendam credidit, omnibus anterioribus mariti creditoribus, non solum tacitam, sed etiam expressam hypothecam habentibus. *cit: nov: 97. cap: 4.* &c. exercet autem hoc privilegium in dote tantum, non etiam in donatione propter nuptias, nec in reb^o paraphernis, *Gl. in L. 2. §. cæter. verb: sed candidi. ff. de jure dotis cit: nov: 97. cap. 3.* Quid si muliere defuncta liberi ejus repetant dotem maternam, an privilegio Matris fruuntur? vide *cit. L. ult. sup: nov: 91. in præf: & cap. 1.* Quid si sponsa dotem prorogaverit sponso, an ad eam privilegium pertinet? Affirmat *Barth: in cit: L. ult.* Negan- tium sententia nobis verior videtur. *arg: L. præcipimus in fin: C. de appell.* quartum assignamus ei, qui ad restitutionem insulae vel ædificii credidit, item illis, qui ad comparandam conservandamq; rem aliquam crediderunt, si pacti fuerint, ut ea res statim sibi pignori sit, idem pupillis, ex quorum pecunia res comparatae sunt:

& alii.

& alii de quibus vide. L. 1. ff. in quibus caus:
pig: vel hypoth: fac: contr. qui omnes præ-
feruntur non privilegiatis. Inter hos ipsos
autem, qui quarto loco ponuntur, si sit
contentio & queratur, qui quibus ante-
ponendi, ita dicendum videtur, Privile-
giatum adversus æquè privilegiatum non
uti suo privilegio: quiescente ergò pri-
vilegio, eum potiorem fore jure, qui pri-
or est tempore *arg: cit: L. 7. ff. qui potior:*
impignore.

Sed fallit hæc regula, si oppignoratio fa-
cta sit instrumento privato, aut scriptura
publica, tunc n. posterior potior est jure,
cap. nisi instrumentum privatum trium testi-
um subscriptionem continet: L. *scriptu-*
ras. II. C. qui potior. in pig. Cui consequens
est, ut si utriusq; instrumentum privatum
fuerit, sed primi sine testium subscriptio-
ne, secundi testium subscriptione firma-
tum, præferatur & hoc casu secundus pri-
mo. *cit. L. II. in fin. Gl. ibid: Dyn: in cap: qui*
prior. n. 10. de reg: jur. Quod autem qui-
dam putaverunt, tum quoq; secundum
præferendum primo, cum secundi chi-
rographum prius in iudicio recognitum

Q5 fuit

fuit, id à jure alienum videtur. Quid si primus ex chirographo agat, secundus codicem mercatoris proferat, an secundus primo potior erit? Ita DD. videtur. Verùm moribus quidem id convenit, qui libris mercatorum fidem publicam tribuant. Hactenus de hypothecariis.

4. Sequuntur chirographarii, in quibus non temporis, sed privilegii ratio habetur. L. quæsum est 17. & seq: ff. de reb: auct: jud: poss: sunt autem in personalibus actionibus privilegiati, fiscus. L. 8. & ult: ff. eod: Pupilli & minores in bonis administrorum suorum. L. dabimusq;. 19. §. seq. ff. de rebus auct: jud: poss: Respublica. L. 2. C. de jur: reipublic: qui credidit ad comparandam vel conservandam rem aliquam, si non expressè pactus sit, ut ea res sibi pignori esset. L. 5. & 6. ff. qui pot. in pign: hab: sponsa, si dotem prorogaverit sponsio, L. si Sponsa. 74. ff. de jure dōtis. Qui pecuniam apud mensularium depositum, si ea non extet nec vindicari possit. L. 7. ff. de poss: Ecclesiæ quoq; Orphanotrophia, Nosocomia, & reliqua venerabilia loca, in personalib^o habere censent DD. Peregrin: de jure fisc: